



Broj: 05-04-20-2305-5/22
Datum: 26.04.2022..godine

Na osnovu člana 72.stav 3. Tačka a) Zakona o javnim nabavkama BiH („Službeni glasnik BiH“ broj 39/14), a u vezi sa Odlukom o izboru najpovoljnijeg ponuđača broj: 05-04-20-2305-3/22 od 18.04.2022. godine i preporuke Komisije za javnu nabavku broj: 05-04-20-2305-4/22 od 26.04.2022.godine, Općina Maglaj, ovlašteno lice ugovornog organa Načelnik općine Maglaj,
d o n o s i

ODLUKU

o dodjeli ugovora drugorangiranom ponuđaču

I

Prihvata se preporuka Komisije za javnu nabavku broj: 05-04-20-2305-4/22 od 26.04.2022.godine i Ugovor za “Izvođenje radova na izgradnji primarne vodovodne mreže Liješnica – I faza”, se dodjeljuje drugorangiranom ponuđaču „Hajdić“ d.o.o. Maglaj, za ponudenu ukupnu vrijednost (nakon provedenog postupka E-aukcije) u iznosu od **92.017,00 KM** bez PDV-a, odnosno **107.659,89 KM** sa uračunatim PDV-om, iz razloga što prvorangirani ponuđač „KOMGRAD-ZE“ d.o.o. Zenica, nije dostavio traženu dokumentaciju u ostavljenom roku, koji je odredio ugovorni organ.

II

Prijedlog ugovora o nabavci dostavit će se na potpis izabranom ponuđaču, po proteku roka od 15 dana, računajući od dana kada su svi ponuđači obavješteni o rezultatu postupka javne nabavke.

Drugorangirani ponuđač je dužan u roku od pet dana od dana zaprimanja obavještenja dostaviti dokaze kojim je tenderskom dokumentacijom ponuđaču koji bude odaban kao najbolji u ovom postupku utvrđena obaveza dostavljanja dokaza koje propisuje Zakon o javnim nabavkama.

III

Za realizaciju iste zadužuju se Služba za urbanizam, geodetske imovinsko pravne poslove općine Maglaj.

IV

Donošenjem ove Odluke prestaje da važi Odluka o izboru najpovoljnijeg ponuđača broj: 05-04-20-2305-3/22 od 18.04.2022.godine.

V

Odluka se ima objaviti na web stranici Općine Maglaj u skladu sa čl.70. Stav 6. Zakona o javnim nabavkama BiH i bit će upućena svim ponuđačima koji su učestvovali u postupku javne nabavke.

O b r a z l o ž e n j e

Odlukom o pokretanju postupka, broj: 05-40-20-2305/22 od 23.03.2022. godine, pokrenut je otvoreni postupak javne nabavke „ Izvođenje radova na izgradnji primarne vodovodne mreže Liješnica – I faza”.

Predmetna javna nabavka objavljena je na Portalu javnih nabavki, obavještenje o nabavci broj 1140-1-3-25-3-12/22 od 23.03.2022. godine. Kriterij za dodjelu ugovora je najniža cijena.

Predmetni postupak je provela Komisija za javne nabavke, imenovana Odlukom broj 05-45-1-599/21 od 14.04.2021. godine.

U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63.stav 5. i 65. stav 2. Zakona o javnim nabavkama.

U predmetnom postupku, Komisija je utvrdila sljedeće:

Blagovremeno su zaprimljene četiri ponude. Neblagovremenih ponuda nije bilo.

Nakon pregleda i ocjene ponuda, a prije zakazivanja e-aukcije, Komisija je utvrdila da su sve ponude prihvatljive.

Ugovorni organ je na osnovu člana 70. Zakona o javnim nabavkama BiH, te na osnovu preporuke Komisije za javne nabavke donio Odluku o izboru najpovoljnijeg ponuđača broj: 05-04-20-2305-3/22 od 18.04.2022. godine za „Izvođenje radova na izgradnji primarne vodovodne mreže Liješnica – I faza”, prihvaćena je ponuda ponuđača „Komgrad - ZE“ d.o.o. Zenica, u konačnom iznosu od 75.324,40 KM bez PDV-a, odnosno 88.129,54 KM sa PDV-om, nakon održane E-aukcije. Odluka o izboru najpovoljnije ponude broj: 05-04-20-2305-3/22 od 18.04.2022. godine je dostavljena svim ponuđačima.

Ponuđač „Komgrad – ZE“ d.o.o. Zenica u skladu sa članom II Odluke o izboru najpovoljnijeg ponuđača, broj: 05-04-20-2305-3//22 od 18.04.2022.godine, nije u ostavljenom roku po prijemu Odluke (primljena dana 19.04.2022. godine) dostavio traženu dokumentaciju, tako da je u smisli člana 72. stav 3. tačka a) Zakona o javnim nabavkama BiH („Službeni glasnik“, broj 39/14), u kojem je navedeno da „Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog zakona...“.

Komisija za javne nabavke je dana 26.04.2022.godine, održala sastanak na kojem je konstatovala da ponuđač „Komgrad – ZE“ d.o.o. Zenica je propustio da u ostavljenom roku dostavi originale ili ovjerene kopije tražene dokumentacije, što je navedeno u Odluci o izboru najpovoljnijeg ponuđača broj: 05-04-20-2305-3//22 od 18.04.2022.godine.

U navedenom Zapisniku Komisija je dala preporuku ugovornom organu da se ugovor dodjeli drugorangiranom ponuđaču čija je ponuda po rang - listi odmah iza ponude ponuđača „Komgrad – ZE“ d.o.o. Zenica, nakon održane e-Aukcije, odnosno da se ugovor dodjeli „Hajdić“ d.o.o. Maglaj. sa ponudom u iznosu od 92.017,00 KM bez PDV-a.

Postupajući po navedenoj preporuci Komisije i primjenjujući član 72. stav 3. tačka a) Zakona o javnim nabavkama, odlučeno je kao u dispozitivu ove Odluke.

Protiv ove odluke može se izjaviti žalba, najkasnije u roku od 10 (deset) dana od dana prijema Odluke, Uredu za razmatranje žalbi, putem ugovornog organa.

Obrađivač:

Jasminka Saračević

DOSTAVLJENO:

1. Ponuđaču putem maila 4x
2. U spis.



NAČELNIK OPĆINE
Mirsad Mahmutagić